



**Quæstionum Canonicarum, In Quinque Libros
Decretalium, Tomus ...**

In Lib. III. Decretalium. In quo agitur De Rebus, quae in judicium devenire solent, cujusmodi sunt, de vita et moribus Clericorum, ...

Schlüter, Georg

Augustæ Vindelicorum, 1708

Articulus I. Qualiter Domus Religiosæ subjectæ sint Episcopo.

[urn:nbn:de:hbz:466:1-73045](#)

licet subdita, jure per hanc delegata; exēpta vero & subiecta Prælatis Ordinum, per illos, quibus sub sunt, ut dicitur in Clement. *Attendentes.* 2. h. t. de quo etiam agit Trid. *Seff. 25. de Regul. c. 9.* ubi dicitur, *Monasteria Sanctionalium, sancte Sedi Apostolica immediate subiecta,* etiam sub nomine Capitulorum Sancti Petri, vel Sancti Joannis, vel alias quomodounque nuncupentur, *ab Episcopis, tanquam dictæ Sedi delegatis gubernenur,* non obstantibus quibusunque. Quæ verò à deputatis in Capitulis generalibus, vel ab aliis regularibus reguntur, sub eorum cura & custodia relinquuntur.

3016 Circa hoc decretum *not. 1.* Moniales Sedi Apostolicae immediate subiectas ab Episcopo esse gubernandas spirituali gubernio, sed non temporali, resert de-

cisum Armend. in addit. ad recept. legum Navarræ lib. 2. tit. 18. l. 7. de Relig. n. 93. ubi n. seq. subdit pariter resolutum per hoc decretum, nullam jurisdictionem esse concessam Episcopo in Monasteriis Sedi Apostolica immediatè subiectis, nisi in concernentibus spiritualia: in temporalibus vero nihil agere posse; sic Barbofa in dict. c. 9. n. 3.

Not. 2. nec Ordinarios, nec Regulares, etiam in Capitulis eorum generalibus, posse deputare Administratores bonorum temporalium Monialium, particulares Religiosos cuiuscunque gradus aut præminentiae, etiam si Superiori Monasteriorum fuerint, ut resert de- cism Salya in Select. Canon. c. 29. n. 2.



QUÆSTIO XXXVI. IN TITULUM XXXVI. DE RELIGIO- SIS DOMIBUS, UT EPISCOPO SINT SUBJECTÆ.

3017 **H**oc Titulo duo potissimum in considerationem veniunt; subiectio, quam Religiosa Domus habent relatè ad Episcopum, seu loci Ordinarium, intra cujus Diocesis sunt; & novorum Ordinum institutio. *Not. autem quod Locus religiosus aliter à Legistis, aliter à Canonistis usurpetur.* Nam in jure civili *religiosus locus* est ille, in quo sepultus est aliquis Christianus de voluntate Domini ipsius loci, *L. 2. C. de Relig. & sum. fun.* quasi corpus Christiani locum tangens ideo religiosum efficiat, quia per illum contactum definit, esse in dominio alicuius *L. quamquam ff. de aqua pluri. arc.* sic enim pietas donantis facit pius, & religio sepulti facit locum religiosum: in Jure Canonico *religiosus Locus*, juxta Sylvestr. V. *locus n. 1.* est, qui Authoritate Pontificis deputatur ad talem usum c. *ad bac. de religios. dom.* Hinc juxta Azorium

Tom. III.

p. 2. l. 3. c. 3. q. 2. Religiosa domus est locus ad pios usus, v. g. ad Hospitalia, Episcopi Authoritate extructus, vel do-tatus, vel deputatus. Unde si desit Au-thoritas Episcopi fundantis, vel do-tantis, vel deputantis ad pios usus, nulla domus, nulla ædicula, Oratorium, vel alias quilibet locus, *Religiosus* haberi Ju-re potest Canonico.

ARTICULUS I.

*Qualiter Domus Religiosa subjecta sint
Episcopo.*

Sup. 1. si loquamur de domo religio- **3018**
sa propriè, ac strictè, per eam in- telligi Monasteria, & Collegia Religio- formum; item Hospitalia, seu Xerodo- chia, in quibus peregrini, & pauperes nosocomia, in quibus infirmi, susci- piuntur; & orphanotrophia pro puer- rum

SSSS 2

692 Tract. in Lib. III. Decretal. Quæstio XXXVI.

rum & puellarum educatione; item Confraternitates, & alia pia loca (nimis ad pietatis exercitii) instituta Episcopi Authoritate; latè autem etiam venire Tempa, Ecclesias, & alias Aedes sacras, ad DEI cultum dedicatas, seu consecratae. Unde in quæstione, an Domus *sacra*, & Domus *religiosa* in præsenti pro invicem accipiuntur? Not. quod sacer locus secundum Panormit. ad c. *Nemo*, de *consec.* 2. strictè acceptus, est ille, qui per Episcopum unctione cum oleo sancto consecratur: latè acceptus dicitur etiam ille qui per Episcopum benedicitur, vel saltem deputatur ad pios usus; & hoc sensu videntur coincidere in Jure Canonico locus *religiosus*, & *sacer*. Coeterum Oratoria privata non sunt loca sacra, seu Religiosa: quia juxta Gloss. ad Clem. *quia contingit*, de Relig. dom. possunt per edificatorem in prophanos usus converti; sic Pereyra in Elucidario à n. 1395.

§. I.

An qualibet Domus Religiosa subjecta sit Episcopo?

3019 Qaestio procedit de Domo Religiosa non tantum strictè, sed etiam latè sumptâ, juxta præcedentem num. 32. hoc ipso, quod aliqua Domus religiosa sit intra fines dioecesis, aut territorii, quod subest loci illius Ordinario, seu Episcopo, istum habere intentionem, seu præsumptionem potestatis Ordinarie, ac Episcopalis, fundatam in jure super subjectione, nisi ostendat se ab ejus potestate legitimè subtractam, seu exemptam, præscriptione, privilegio, &c. hæc est communis Doctorum; probatur 1. ex 16. q. 7. c. omnes *Basilica*. 10. ibi: *omnes Basilica*, quæ per diversa loca constructæ sunt, vel quotidie construuntur, placuit secundum priorum *Canonum regulam*, ut in ejus Episcopi potestate consistant, in cuius territorio posita sunt; ubi nota *Basilicam* juxta Alciatum ad Rub. c. de Sacros. Ecclesiæ, apud veteres fuisse locum ampliorum, publicum, sub tecto, ubi consilia privata, seu negotiations, judicia, & arbitria confici solebant. Deinde pro regia, seu domo Regis haberi cœptum:

tandem pro templo, quod Regis æterni palatium verè appellatur. Notat Joan. And. in c. *nobis*, de jure patron. *Basilicam* dici templum constructum antequam consecratur: at post consecrationem vocari Ecclesiam, nunc communiter pro templo, vel æde sacra, & Ecclesia supponit, prout etiam accipitur in illo-textu.

Probatur 2. ex c. *Cum olim*. 18. de *Præscript.* ubi cum Episcopus Lucanus apud Sedem Apostolicam, controverxiam haberet cum Abbe, & ad fundandam intentionem suam allegaret jus commune, cujus Authoritate universa spiritualia intra dioecesim ad ipsum, tanquam Ordinarium spectare censebantur: Abbas aurem plura privilegia exemptionis produceret; & aliunde etiam sufficenter ostenderet, quod Monasterium futurum super institutionibus, ac destitutionibus Plebani, Clericorum, insuper baptismo, ac poenitentia in culpis levioribus, sepultura, decimarum perceptione, ac divinis officiis celebrandis, tam in plebe, quam in Capellis, excommunicacionis, & interdicti sententias ferendo, & absolvendo, præscriptione munitum sit: Innocentius III. Abbatem in his, in quibus *præscriptionem* contra jus Episcopi non probavit, de præstantia illi subiectio ne condemnavit; in quibus autem de *præscriptione* docuit, Abbatem à subiectione Episcopi absolvit; & Episcopo super iisdem perpetuum silentium imposuit; & hæc de Ecclesiis secularibus.

De Monasteriis autem, & Ecclesiis 3010 Regularium, probatur 1. ex 18. 9. 2. c. *Monasteria* 17. ibi: *Monasteria, vel Monachorum disciplina ad eum pertincent Episcopum, in cuius sunt territorio constituta;* ubi expressè mentio fit etiam de Monasteriorum personis, consequenter ipsi quoque Regularibus, seu Religiosis. Probatur 2. ex c. *cum dilectus* 8. h. t. ibi: *si Abbas in exemptionis probatione defecrit, nec legitima se poterit præscriptione tueri (licet probet se ante prædictas sententias appellasse) nihilominus tamen Monasterium judicari Aurientis Ecclesia subjace re, in cuius est diœcesi fundatum.* Similiter eo in probatione appellationis deficiente, *si robis confiterit de exemptione, vel legitima præscriptione: tam Abbatem,* quam

quām Monasterium ab impetione Episcopi absolvatis. Ex his juribus deducitur generalis illa regula, quod jure communī qualibet Monasteria, & Ecclesia alicubi sita ad Episcopos pertineant eo ipso, quod sunt in diocesi constituta, nisi probetur eas esse exemptas, facit etiam c. De Xenodochiis supra item c. Omnes Basileae 16. q. 7. & c. contra morem, nam jurisdictio Ordinarii per totam diocesim juris præscriptione extendatur, Gail. I. 2. Observ. 62. n. 9. Erasm. à Cochier de jurisd. ordinarii in exemptos, p. I. q. 8. n. 2.

§. 2.

In quibus consistat hæc Subjectio.

3021 Cum ex dictis constet, Monasteria, & Ecclesias tam seculares, quām regulares, existentes intra diocesim, jure communī subjectas esse Ordinario, seu Episcopo talis loci, questio est, ad quæ dicta subjectio se extendat? hæc quæstio resolvitur in c. *Constitutus* 6. h. t. ubi, cum Episcopus Albanensis contra Abbatem, & fratres Cryptæ in Ecclesia Castræ, quod Pauli dicitur, in qua ius patronus dicto Monasterio recognoscet, *jura Episcopalia* p̄teret, quia sita erat in diocesi Albanensi, & ideo de jure communī ei teneretur respondere in Episcopali bus; Monasterium autem opponeret, si bi ea iura esse remissa ab ejus Antecedente sub onere certæ pensionis, & se tueri possit legitimā præscriptione pacifica posse ssionis per 40. annos: Pontifex prætensioni Episcopi perpetuum silentium indi- xit, & Monasterium duntaxat condemnavit ad pensionem persolvendam; quo habetur, quod Ecclesia sita in diocesi Episcopi, teneatur ei subesse in *juribus Episcopali bus*, nisi appareant remissa legiti- timè.

Idem habetur in c. *Cum Venerabilis.* 7. eod. ubi, cùm Episcopus Sabinensis Ecclesiam S. Angeli affereret ad se tam in spiritualibus quām in temporalibus pertinere, & pro illis allegaret ius com- mune, quod Ecclesias potestati Episcopi in cuius diocesi sunt sita, assignat, pro hoc autem publicum instrumentum, in quo continebatur, dictam Ecclesiam Abbatu Farbinensi ab. J. Episcopo Sabi-

nensi sub annuâ pensione concessam, sed Abbas proponeret instrumentum prædi- cū nullius esse fidei propter superlinea- rem scripturam, & rasuram loco suspe- cto factam, ubi annotabatur tempus: Pontifex Ecclesiam supradictam Episcopo quidem in spiritualibus (urpote in ejus diocesi constitutam) adjudicavit, illis tantum exceptis, quæ per authentica scri- pta probarentur esse subtracta, quia vero instrumentum ab Episcopo productum apparebat invalidum, & suspectum, Ab- batem & Conventum Farensem ab im- petione Episcopi quoad temporalia ab- solvit. Ex his igitur habetur, subiectio- nem istam porrigi, seu extendi ad omnia iura Episcopalia, sic, ut Episcopus in il- lis omnibus jure pretendere possit subje- ctionem in spiritualibus, à quibuslibet Domibus religiosis hoc ipso, quod intra ipsius Diocesim existant, nisi probent se legitimè exemptas.

Hæc Jura Episcopalia communiter **3022** dicuntur consistere in dupli potestate, *jurisdictionis*, & *legis diocesanae*, cuius utrius vim exposuimus lib. I. decret. à n. 1286. ubi à n. 1287. ostendimus, Regu- lares jure communī exemptos esse à *lege diocesana Episcopi*; non autem à *lege ju- risdictionis*, nisi probent, se etiam ab ista specialiter subtractos præscriptione, vel privilegio. Qualiter autem juridi- ctionis Ordinariorum subsint *quoad puni- tionem*, si delinquant in loco non exem- pto? diximus ibid. à n. 1294. ubi etiam exposuimus ea, quæ in hoc moventur ex c. *Volentes*, de privileg. in 6. & diversis locis Concilii Tridentini, quæ, quia ibi fusus exposita sunt, hic non esse re- petenda duximus. Reliqua vero, de approbatione pro audiendis confessioni- bus; de quarta Episcopali, Cathedra- co Subsidio charitativo, & similibus, suis locis à nobis dicta sunt.

Pauca, præterea ex dict. c. *constitu- 3023* tus

ius

hic annotanda sunt I. quod Episcopu- s Monasterio, vel Ecclesia sibi, cate- roquin subjectæ, possit remittere iura Episcopalia, tenendo tamen sibi censu aliquo ab illis persolvendo, constat ex ipso textu dict. c. ubi cùm in tali casu Monasterio opponeretur, talem remis- sionem ab Episcopo factam continere

694 Tract.in Lib. III. Decretal. Quæstio XXXVI.

simoniacam pravitatem; respondit Pontifex: *non esse insolitum, & novum*, ut, cùm Episcopi concesserint Ecclesiæ pñis locis, aliquid sibi reseruent in eis, *nominne pensionis*; nimirum in signum præterita subjectionis; Suarez tom. 3. de Relig. lib. de simon. c. 24. n. 37.

3024 Quæstio tamen ulterius est 1. cui subiecta sit Ecclesia, de qua dubitatur in cuius Dioecesi existat? 2. cui subiecta sit Ecclesia unita alteri existenti in alia Dioecesi? 3. an Ecclesiæ, vel Monasteria Regularium mutari possint in Ecclesiæ seculares? vel Regularium alterius Ordinis? 4. an præsumptio, qua Episcopus iure communi fundatam habet intentionem subjectionis debita ab omnibus Ecclesiis, & Monasteriis in sua Dioecesi existentibus, procedat etiam, ut idem habeat Ecclesia Parochialis in ordine ad omnes Ecclesiæ, Capellas, vel Aedes intra fines Parochiaæ existentes?

3025 Ad 1. R. ex c. *Nunc autem*. 1. h.t. quòd, quando aliqua Ecclesia inter duos Episcopatus posita, consecranda est, & dubitatur, quis Episcopus eam debeat consecrare? pro illo definiendum, ad quem incola prius, quam talis Ecclesia fundaretur, pro baptismo confugerunt, & concurserunt ad consignationem sub annua devotione; ubi per consignationem confirmatione chrismatis intelligitur, ut notat Barbos. in dict. c. 1. n. 7. ex Tiraquello de retract. lign. §. 7. *Gloss.* 3. n. 8. & ratio additur; non enim, inquit ibid. Gregorius, (scribens Victori Archiepiscopo Neapolitano) *terminis hac* (nimirum lex jurisdictionis spiritualis) *aut locis convenit definiri, sed ille ad consecrationem vocatur, qui per hunc modum* (nimirum collationem istorum Sacramentorum) *quem scriptimus, confat debere permitti;* ex quo communiter deducunt DD. quòd jurisdictionis possessio unius actus inducat idem in omnibus, sic Tiraquel. cit. §. 36. *Gloss.* 3. n. 13. & per adoptionem possessionis Ecclesiæ acquiritur possessio oranium, & quorumcunque bonorum ad Ecclesiæ spectantium, & annexorum, per L. *cum hares ff.* de acquirend. possess. sic Abbas in c. *Cum super,* de causa possess. n. 29. Nec enim, ut Prælatus dicatur in quasi possessione jurium, in quibus habet intentionem de

jure fundatam, requiritur actus possessionis positivus in quocunque acta; Sed possessio unius actus trahitur ad omnes alios, in quibus alter non reperitur in possessione, ut per Innocent. in c. *dilectus*, n. 3. vers. *Possessionum*, de Capellis Monach. ubi Hostiens n. 1. vers. ex prædictis. Joan. Andr. n. 8. & calii.

Ad 2. R. quòd resolutio habeatur **3026** ex c. *Quia Monasterium* 2. h.t. ubi Gregorius Pontifex, scribens Agapito Abbat., quia Monasterium, inquit, quod in fundo Marciano Provinciae Campanie situm est, ita hostilitate faciente, à Congregatione funditus dicitur desolatum, ut ne unus exinde Monachus, qui aliquam illic sollicitudinem, vel curam debeat adhibere, remanserit: tuo illud Monasterio cum omnibus rebus suis, vel quæ ei competit actionibus, utile prospexituniendum, ut res eius renendi, vel à detinentibus vendicandi, libera tibi sit, & sine aliqua dubitate licentia. In quod etiam studii tui sit, Monachos deputare, qui illic tempore, quo intervallum de hoste fuerit, & opus DEI celebrare, & decenter debent servire. Nec aliquā illud præsumas excusatione negligere, quod ideo curia tua, ut sollicitudinem illic debeat adhibere, committitur. Ipsum autem Monasterium sic tua nos ordinationi commisso cognoscas, ut tamen jurisdictionem illic, non Episcopus Surretinus, in cuius civitate Monasterium tuum est, sed Nucerinus, cuius est Dioecesis, habeat: Nam sic hujus loci Ordinationem disponimus, ut tamen jura sua singulis Episcopis inviolata servemus; sic enim habetur in integra lectione apud Gonzalez, qui n. 2. notat, certum esse, Summum Ecclesiæ Præfulem posse unite Ecclesiæ unius Dioecesis Ecclesiæ, seu Monasterio alterius Episcopatus, & per hanc unionem omnia jura competentia priori Ecclesiæ transire in Monasterium, cui unita est; quia accessorium naturam sequitur sui principalis, c. *recoletentes*, de statu Monach. docent Gonzalez in regul. 8. cancell. Moneta de commun. cap. 12. q. 1. sic tamen ut jurisdictione illius Ecclesiæ unitæ remaneat penes proprium Episcopum, ut ita sua jura singulis inviolata serventur: quare in presenti Gre-

Gregorius docuit, per unionem, à se factam, non violare jura prioris Episcopi. Porro ex cit. c. *quia Monasterium* habetur, non obstante unione, Ecclesiam unitam manere subjectam Episcopo, in cuius Dioecesi ea sita est; quia per concessionem gratiae, uni factam, Pontifex non intendit derogare juri alterius, nisi contrarium exprimat; hoc tamen videtur intelligendum juxta dicta supra, si unio non sit accessoriè facta Ecclesiae, vel loco exempto; quo sensu etiam videtur accipiendum, quod tradit Pirhing h. t. n. 6. dicens, Ecclesiam sitam in Dioecesi Episcopi, subjecta est eidem, & tenetur praestare omnia jura Episcopalia, etiam ea jure incorporationis possideantur à quibuscumque Religionis.

3027 Ad 3. &c. ex c. *Inter quartor. 5.* ubi prescribitur, quod, quamdiu Monasteria per Regulares ordinata manere possint, non sunt ad seculares Clericos transferenda: sed si Regulares defuerint, adeoque in eorum defectum, in Monasteriis Clerici seculares ordinati, sive constitui possint; & ideo in c. *Relatum. 7.* Ne Clerici, vel Monachi, in hac re prescribitur, ut hic Ordo in ejusmodi casu servetur. 1. Ut ab Episcopo Ordinatio, & Reformatio fiat per Religiosos ejusdem Monasterii; Secundò, in eorum defectum evocandi sint Religiosi strictioris observantie, ex aliis Monasteriis ejusdem Ordinis; Tertiò, si nec illi haberi possint, Reformatio Monasterii fieri debet per Religiosos alterius Ordinis: Quarto, demum, si per Regulares Reformatio Monasterii institui non possit, tum seculares Clerici in locum eorum sufficiendi, & ibi collocandi sint; quia necessitas non habet legem, Glossa in cit. c. *Inter.* V. per *Regulares*, h. t.

3028 Quares, an in casu, quo in aliquo Monasterio Regularis seculariter vivunt & sunt incorrigibiles, aut à moribus Regularis vita discedunt, praesertim prolabentes in haeresim, & deficientes à Religione, tali Monasterio provideri debet per alios, qui in tali Ecclesia divina peragant, ordo prescriptus in dict. c. *Inter.* & c. *Relatum*, etiam observandus sit ab ipso summo Pontifice, ut non possit

validè, ac licite, in eo instituere Regulares alterius ordinis, vel etiam Clericos seculares? R. negative; nam illeordo in ejusmodi provisionibus prescriptus est solis Episcopis locorum Ordinariis, & Prælatis Papæ inferioribus, ut liquet ex c. *inter 5. h. t.* quod continet textum ab Innocentio III. datum Patriarchæ Constantinopolitano, & c. *Relatum 7.* ab Alessandro III. ad Episcopum Exonensem; & ratio est, quia in tali casu rectius observatur etiam fundatorum intentio, quando, judicio Ecclesiæ speratur per alios, melius promovendus DEI cultus, & animarum salus, alias nec possent Summi Pontifices extingue Monasteria, immo & integrum Ordinem iusta id causa exigente.

Ad 4. &c. negativè, de quo jam dimicimus lib. I. à n. 1288. Nam omnes textus, in quibus fundatur hec Ecclesiarum, & Monasteriorum in jure communi subjectione relatè ad Episcopum, seu Ordinarii loci, loquuntur de Episcopo, ac potestate jurisdictionis Episcopalis, juribus que Episcopibus; at nihil horum est in Parochiis, relatè ad Ecclesiæ inter fines Parochiæ; ut ostendimus cit. loco, nullam enim jurisdictionem fori externi habet Parochus, vi juris Parochialis, at hanc supponit illa subjectione; alias enim non exigeretur exemptione in illis, quia talis subjectionem relatè ad Ordinarios locorum jure speciali prescriptionis, aut privilegii, recusant, ergo. Ex quo ulterius habetur, quod, cum Episcopus in exemptione prætendit jurisdictionem ordinariam, & inde debitam subjectionem, eò quod intentionem suam habeat fundatam in jure communi; & exemptus opponit exceptionem sua exemptionis, virtute prescriptionis legitime, vel privilegii, eamque legitimè doceat, vel aliunde notoria sit, juri communi præsumtis pro Episcopo, ac ejus intentioni non sit locus; quia talis presumptio, vi juris communis, pro intentione Episcopi, non est absoluta, sed solum conditionata, nemini nisi constet de exemptione, ejusmodi enim exceptio aquæ fundamentum habet in jure communi, ut constat ex juri bus à nobis allatis.

ARTI-